



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De braxatrice ecclesiae sanctorum Apostolorum, cuius domus inter  
flamas miraculosè seruata est, cap. 62.

**urn:nbn:de:hbz:466:1-13177**

Audiui Coloniæ quendam literatum sacerdotem, p-  
lam in ecclesia reprobrare tales electiones: Omnes,  
inquit, Apostoli æquè sunt sancti, & idcirco omnes à  
nobis æquè honorandi: quòd si alicui illorū specialis  
honor est exhibendus, beato Petro, per quem regio  
nostra conuersa est ad fidem, iudico esse impendendū;  
ipsum specialem Apostolū nobis Christus destinauit.  
Beatus verò Heribertus & successor eius Peregrinus,  
Colonienses Archiepiscopi, in ciuitate Colonia omnibus  
Apostolis vnam ecclesiam conuentualem con-  
siderunt, in quibus omnibus simul æqualis honor  
idemque seruitum exhiberetur. Quātum mereantut  
in ecclesia eadem Christo, eiisque Apostolis dignè  
seruientes, ex modico, quod sequitur, poteris per-  
pendere.

## CAPV T LXII.

**D**VM incendium illud maximum, quod erat  
sub Adolpho Archiepiscopo, magnam partē  
ciuitatis Colonensis consumpsisset, mulier  
quædam, quæ ecclesiæ sanctorum Apostolorum pro  
sua mercede braxare consueuerat, domum ligneam  
propè positam habebat: cui cùm incendium ex vici-  
nis domibus propinquasset, filia eius, vasa, & supelle-  
ctilem efferre cœpit, quod vbi mater comperit, resti-  
tit dicens; Noli filia, noli, sed omnia refer in domum;  
sicque clausa domo mater spem habens in sanctis A-  
postolis, ecclesiam eorum adjit, sicque oravit; Sancti  
Apostoli, si vñquam vobis fideliter digneque seruiui,  
custodite domum meam & vasa vestra. Mira fides fe-  
minæ, mira & virtus Apostolorum; qui propriam ec-  
clesiam ex parte concremari permiserunt, braxatricis  
sux domū in medijs flammis positam, non sine admiri-  
ratione multorū, illæsam seruare curauerunt. **A P O L-**  
**O N I V S :** Valde honorandi sunt Apostoli, per quos  
mundus iste iudicabitur. **CÆSARIVS:** Hæc mihi reuo-  
cant ad memoriam ciuis cuiusdā dictum siue factum  
relatione dignum.

K k C A R V Z